

selbst ist / wirdt ein Mensch eines gütten geschreyes /
gelobt / vnd vberflüssig / liebt die Krieg / schöner maß /
vnd wirdt glückhasst vnd sieghast.

Vnd wann sie ist im dritten facie / das da der ♀. ist /
wirdt ein Weybischer Mensch / gleich den Weybern /
hat dieselben lieb / isset / trincket / vnd rühet gerne bey
inen / vnd hat gern bey inen zuthun.

Das vierdt Capittel / in den Natu= ren der Planeten.

Sie Planeten helfen einander / von we=
gen ihrer zusammen stimmung / vnd betrüben oder
wirren einander von wegen der vneinigkeith vnd wi=
derwertigkeiten.

Vnd das haup ist feind dem Herzen / vnd die erhö=
hung der andern erhöhung / vnd ein Himmel dem an=
dern Himmel / dann das da geschicht durch den Him=
mel Saturni / wirdt durch den Himmel Luna wider
zerstöret.

Vnd das durch den Himmel Iouis geschicht / wirt
durch den Himmel Mercurij zerstöret.

Vnd das durch den Himmel Martis geschicht / wirt
durch den Himmel Veneris zerstört.

An dem ort da die erhöhung Saturni ist / da ist der
fall solis.

Vnd da die Sonn vndergetruckt wirdt / da wirdt
der Saturnus erhöcht.

Da